

MATHAIS (*MATTHEW*)

ZAAJQHA 102

HAS TAU HAB UA TAU *Able to Do What Was Said*

Peb noobneej mas muaj ntau zag yug has tau tabsis ua tsi tau yog vim yug tsi muaj sijhawm, tsi muaj nyaj, tsi muaj peevxwm, lossis yug cale novqaab ua lawm. Mathais sau has tas Yexus tau has peb zag tas Nwg yuav tuag hab sawv huv qhov tuag rovqaab lug nub thib peb (16:21; 17:23; 20:19). Nyob huv tshooj 28, Mathais sau has tas Yexus tau sawv lawm tag. Nyeem kuas taag Mathais 28:1-15, uantej koj teb cov lug nug.

As humans, many times, we say something but cannot do as we say, because we don't have the time, the money, the ability, or we simply just forget what we have said. Matthew recorded three times that Jesus said He would die but would be resurrected on the third day (16:21; 17:23; 20:19). Now, in chapter 28, Matthew reported that Jesus actually came back to life. Read Matthew 28:1-15, before you answer the following questions.

1. Nqai 1. Nub ib kws Yexus sawv huv qhov tuag lug yog poob rua nub twg?

Verse 1. Jesus was resurrected on the "first day of the week." What day is considered first "day of the week"?

2. Nyeem Malakaus 16:1. Tug Malis kws Nrug Malis Madalas moog yog tug Malis twg? Hab muaj dlua ib tug quaspui nrug ob tug moog, tug ntawd npe hu lecaag? Hab yog puab moog ua dlaabtsi?

Read Mark 16:1. Who was the other Mary? And there was another woman going with them, what's her name? What was the purpose of their trip?

3. Nqai 2-4. Puab tso tubrog zuv Yexus lub ntxaa tuabsi tabsis thaus tug timtswv lug tshem dlaim txag zeb kws npug Yexus lub rooj ntxaas, cov tubrog ua le caag lawm?

Verses 2-4. The guards were stationed at the tomb of Jesus, but what happened to them when the angel came to roll back the stone that covered the tomb?

4. Nqai 5-7. Cov tubrog ntshai tshee-nyo hab txhaav taag le tej tuabneeg tuag lawm, tabsis cov quaspuj tsua tsi ntshai. Tug timtswv has lecaag rua puab?

Verses 5-7. The guards were so afraid of the angel that they shook and became like dead men, but the women were not afraid. What did the angel tell them?

5. Nqai 8-10. Cov quaspuj kuj nooglug heev, puab tigloo rovqab, yuav moog qha Yexus cov thwjt看. Tabsis puab ntsib leejtwg hab Nwg has rua puab lecaag?

Verses 8-10. The women were obedient. They hurried to tell the disciples of Jesus. Suddenly who appeared to them and what did He tell them?

6. Nqai 11. Thaum cov tubrog meejpem tuaj puab ua lecaag?

Verse 11. When the guards became sober, what did they do?

7. Nqai 12-15. Cov thawj povthawj hlub muab nyaj xab cov tubrog hab qha kuas puab dlaag – zais qhov tseeb, qha qhov cuav. Lub tswvyim ruam-ruam kws puab muab rua cov tubrog yog lecaag?

Verses 12-15. The chief priests gave a large sum of money to the guards and told them to lie – hide the truth and tell the lie. What foolish advice did they give the guards?

8. Koj xaav has tas yog vim lecaag cov thawj povthawj hlub txhaj yuam kuas cov tubrog dlaag?

Why did the chief priests order the guards to lie?

9. Thaus peb dlaag mas yeej yog muaj ib qhov vimchij (*reason*). Xaav txug ib zag kws koj tau dlaag hab xaav seb koj qhov vimchij yog dabtsi?

People lie for a reason. Think about one occasion when you lied and what was the reason for that lie?

Txij thaus Yexus sawv huv qhovtuag rov lug tau le 2000 xyoo nuav tau muaj ntau lub tswvyim lug has tas Yexus yeej tsi sawv huv qhov tuag lug. Peb (3) lub tswvyim kws has tau khw tsawv mas yog le nuav:

1. Yexus yeej tsi tau tu sav. Puab coj Nwg moog log tes Nwg txhaj caj sa hab sawv rov lug lawm. Tabsis kws tshuaj has tas yog xuas ntsahlau ntsa teg-taw, lug ntshaav ntau, hab xuas muv nkhaug saab taav, hab muab dlai sau ntoo ntsateg txug 6 xuab moo le Yexus lawm mas tsi muaj leejtwg tseem yuav caj sa le lawm. Txhua tug yuavtsum tuag. Txawm Yexus caj rov lug los Nwg yeej thawb tsi tau lub pobzeb tawm. Hab txawm thawb tau los cov tubrog tub zuv lub ntxaa lawm, Nwg yeej tsiv tsi dlim.

2. Puab has tas cov quaspuj moog yuamkev ntxaa lawm. Lub ntxaa kws puab moog saib es tsi muaj tuabneeg nyob huv tsi yog lub kws log Yexus. Tabsis Mathais 27:56 has tas thaus Yauxej hab Nikaudemaus obtug coj Yexus moog log, Malis Madalas hab cov quaspuj puab tub saib ntsoov. Nyavnyuas tau peb nub xwb, puab yeej tseem ncu tau lub ntxaa zoo.

3. Puab has tas yog Yexus cov thwjtum tuaj nyag Yexus lub cev moog zais lawm xwb. Tabsis qhov nuav los tsi txaus ntseeg vim cov thwjtum tsi muaj ntaaj kws yuav tuaj tua yeej cov tubrog kws zuv lub ntxaa.

Yogle, peb txhaj ntseeg tas Yexus yeej tau sawv lawm tag.
